



---

## **KERATAN AKHBAR DAN MEDIA ONLINE UNTUK MAKLUMAN :**

**Y.B. MENTERI  
Y.B. TIMBALAN MENTERI  
Y.BHG. KSU  
Y.BHG. TKSU (PDN)  
Y.BHG. TKSU (PUP)  
SETIAUSAHA AKHBAR**

---

**24 MEI 2022 (SELASA)**



---

---

# **KERATAN AKHBAR DAN MEDIA ONLINE (KPDNHEP)**

---

---

**24 MEI 2022 (SELASA)**

Kerajaan beri amaran batal lesen, kuat kuasa akta bekalan makanan

# Eksport ayam dihentikan

Oleh MAISARAH SHEIKH RAHIM  
dan JUANI MUNIR ABU BAKAR  
utusannews@mediamula.com.my

**PETALING JAYA:** Kerajaan mengambil langkah drastik bagi mengatasi isu bekalan ayam dan kenaikan harga barang dengan menghentikan eksport ayam sebanyak 3.6 juta ekor sebulan ber-

mula 1 Jun ini.

Ketika ini Malaysia mengekport 3.6 juta ekor ayam sebulan dan ketetapan itu sehingga harga dan pengeluaran ternakan itu kembali stabil.

Perdana Menteri, Datuk Seri Ismail Sabri Yaakob berkata, itu merupakan antara langkah jangka pendek yang diambil kerajaan

yang diputuskan dalam mesyuarat Kabinet semalam.

“Saya ingin menegaskan bahawa kerajaan tidak akan berkompromi dengan mana-mana pihak yang cuba menjelaskan kehidupan rakyat,” katanya.

Mesyuarat yang sepatutnya berlangsung pada setiap Rabu telah dipercepatkan berikutkan

gangguan bekalan dan kenaikan harga ayam serta kos sara hidup di seluruh negara.

Selain itu, kerajaan mewujudkan stok penimbang ayam dan mengoptimumkan fasiliti penyimpanan bilik sejuk sedia ada milik Kementerian Pertanian dan Industri Makanan (MAFI) dan agensi.

“Kerajaan juga mempermudahkan proses tuntutan subsidi oleh pengeluar ayam dan menambah dan mengiktiraf loji sembelihan di luar negara bagi meningkatkan pengeluaran bekalan ayam,” katanya semalam.

Bersambung di muka 3

HARI : SELASA  
TARIKH : 24/05/2022  
M/SURAT : 3

# Eksport ayam dihentikan

## Dari muka 1

Sebelum ini, kerajaan memansuhkan Approved Permit (AP) ayam termasuk ayam bulat dan keratan ayam bertujuan meningkatkan peluang penglibatan pengimpor untuk menyediakan lebih banyak sumber bekalan.

Perdana Menteri sebelum ini memberi amaran akan menghapuskan lebih banyak AP bahan makanan bagi meningkatkan bekalan dan menstabilkan harga barangan.

Ismail Sabri semalam menyatakan rasa kesal terhadap tindakan beberapa buah syarikat yang menghentikan bekalan ayam sehingga menyebabkan berlakunya peningkatan harga dan kekurangan bekalan di pasaran.

"Ketika ini, Kerajaan telah menetapkan harga siling ayam standard pada harga RM8.90 seekor dengan pemberian subsidi sebanyak RM729.43 juta di bawah Skim Kawalan Harga Keluarga Malaysia (SKHKM) yang dilaksanakan sejak 5 Februari lalu.

"Bagaimanapun, pihak Kerajaan mendapati beberapa syarikat besar yang tidak berminat untuk memohon subsidi dan mahukan Kerajaan membiarkan harga ayam ditentukan sendiri oleh pasaran.

"Setakat ini, hanya RM50 juta subsidi telah dibayar kepada penternak yang kebanyakannya adalah syarikat kecil," katanya.

Beliau berkata, Suruhanjaya Persaingan Malaysia (MyCC) sedang menyiasat pembabitan

kartel dalam isu ayam dan siasatan dijangka selesai pada bulan Jun ini.

"Jika didapat wujud kesepakatan kartel tersebut, Kerajaan akan mengambil tindakan undang-undang terhadap mereka," tegas beliau.

Perdana Menteri memberi amaran akan memerangi orang tengah yang selama ini memnipulasi bekalan dan harga.

"Kerajaan akan memperkenalkan semula Jihad memerangi orang tengah yang telah saya perkenalkan pada tahun 2014. Pertubuhan Peladang Kebangsaan (NAFAS) diberikan peranan untuk mengetuai Jihad Memerangi Orang Tengah ini," katanya.

Mesyuarat Kabinet semalam juga membincangkan mengenai penanaman jagung seba-

gai menjadi alternatif kepada makanan ayam, pembabitan kerajaan negeri, agensi kerajaan dan Syarikat Berkaitan Kerajaan (GLC) untuk menyediakan tanah Lesen Kependudukan Sementara (TOL) bagi menternak ayam.

Peguam Negara turut serta dalam Mesyuarat Kabinet semalam dan telah menasihatkan Kabinet untuk menguatkuasakan Akta Kawalan Bekalan 1961 (Akta 122) bagi menangani aktiviti menyorok, menyimpan atau unsur-unsur sabotaj terhadap bekalan ayam termasuk membatalkan lesen serta merta.

Kabinet semalam juga ber-setuju supaya AP gandum dibatalkan dan semua kementerian diminta menyenaraikan AP bagi barang lain yang boleh dimansuhkan.

# Selesaikan dulu masalah penternak

Oleh ARIF AIMAN ASROL  
utusannews@mediamulia.com.my

**PETALING JAYA:** Masalah yang dihadapi oleh penternak yang membawa kepada situasi kekurangan bekalan ayam ketika ini perlu diselesaikan dahulu sebelum memberikan tanggungjawab kepada syarikat berkaitan kerajaan (GLC) seperti Felda, Sime Darby atau Nafas.

Bercakap kepada *Utusan Malaysia*, Presiden Lembaga Perlindungan dan Kebajikan Pengguna Malaysia (LPKPM), Dr. Lee Nan Sang berkata, para

penternak tidak akan melakukan ‘mogok’ dengan sewenang-wenang tanpa alasan kukuh.

“Mesti ada sesuatu yang belum atau tidak diselesaikan antara penternak dengan pihak pemborong atau peniaga ayam. Kementerian Perdagangan Dalam Negeri dan Hal Ehwal Pengguna (KPDNHEP) perlu mengkaji sedalam-dalamnya,” katanya ketika dihubungi.

Hujung minggu lalu, kartel industri ternakan ayam menutup ladang ternakan mereka sebagai protes kepada kerajaan yang dikatakan lambat melaku-

kan bayaran subsidi harga ayam sebanyak 60 sen.

Malah, turut dipercayai komplot syarikat-syarikat peladang menutup ladang mereka sehingga menjelaskan bekalan ayam mentah di pasaran adalah cubaan pertama kumpulan ‘tangan hitam’ itu menuntut harga siling dinaikkan kepada RM9.90 sekilogram kerana harga semasa tidak lagi relevan susulan peningkatan kos yang drastik.

Nan Sang berkata, tiada halangan untuk GLC masuk ke pasaran bagi sama-sama menyelesaikan bekalan ayam sebe-

lum ia bertambah buruk tetapi isu utama harus diselesaikan.

Sementara itu, Yang Dipertua Persatuan Keselamatan Pengguna Kuala Lumpur (PKPKL), Samsudin Mohamad Fauzi mencadangkan penubuhan suruhanjaya berkaitan bekalan makanan.

Jelasnya, bidang kuasa mengenai bekalan makanan pada masa kini ‘terpecah’ di mana pelbagai isu melibatkan bekalan makanan asas masyarakat terbahagi kepada pelbagai jabatan hingga mewujudkan tidak keselarian, jadi ia perlu

diselaraskan semula.

“Punca kuasa sekarang duak pecah-pecah, isu halal di bawah Jabatan Kemajuan Islam Malaysia (Jakim), isu import eksport di bawah Jabatan Kas-tam Diraja Malaysia (JKDM), isu tentang bekalan pula duduk dengan KPDNHEP.

“Perkara-perkara ini perlu diletakkan di bawah satu ‘payung’ yang dinamakan sebagai suruhanjaya isu makanan kerana apabila wujudnya badan itu maka akan wujud satu akta khas untuk melindungi pengguna,” katanya.

## Kabinet putus **5 langkah jangka pendek** atasi isu bekalan, harga ayam

- Henti eksport 3.6 juta ayam sebulan bermula 1 Jun sehingga harga dan pengeluaran ayam kembali stabil
- Wujudkan stok penimbang ayam dan mengoptimumkan fasiliti penyimpanan bilik sejuk milik MAFI dan agensi
- Mansuh AP ayam termasuk ayam bulat bagi tingkatkan peluang pengimpor sediakan lebih banyak sumber bekalan
- Permudahkan proses tuntutan subsidi oleh pengeluar ayam
- Tambah dan iktiraf loji sembelihan di luar negara bagi tingkatkan bekalan ayam

Nasional 2

*Wadah Pembaharuan*  
**BH**  
BeritaHarian

Diterbit sejak 1957

[www.bharian.com.my](http://www.bharian.com.my)

# Eksport ayam dihenti mulai 1 Jun

**Langkah antara 5 pendekatan segera atasi kekurangan bekalan di pasaran**

Oleh Rafidah Mat Ruzki dan Nor Azizah Mokhtar  
bhnews@bh.com.my

**Putrajaya:** Pemberhentian eksport 3.6 juta ayam sebulan bermula 1 Jun ini adalah di antara lima pendekatan segera atasi kekurangan bekalan ayam di pasaran.

Ketua Menteri menegaskan, tindakan terbabit diputuskan mesyuarat Kabinet semalam yang akan berkuat kuasa sehingga harga dan pengeluaran ayam tempatan, kembali stabil dengan memberi keutamaan kepada memenuhi keperluan rakyat negara ini.

Beliau berkata, selain menghentikan eksport ayam terbabit, kerajaan juga akan mewujudkan stok penimbang ayam dan mengoptimumkan fasiliti penyimpanan bilik sejuk sedia ada milik Kementerian Pertanian dan Industri Makanan (MAFI) dan agensi kerajaan yang lain.

"Kerajaan mengambil berat dan memandang serius terhadap isu peningkatan harga dan bekalan ayam semasa yang menghimpit seluruh Keluarga Malaysia."

"Kerajaan kesal dan kecewa

terhadap tindakan beberapa syarikat yang menghentikan bekalan ayam sehingga menyebabkan berlakunya peningkatan harga dan kekurangan bekalan di pasaran," katanya dalam kenyataan media selepas mempernegerusikan mesyuarat itu semalam.

Mesyuarat Kabinet yang lazimnya diadakan pada Rabu setiap minggu, dipercepatkan kepada semalam bagi membincangkan isu membatikan kos sara hidup yang dijangka meningkat.

Ketika mesyuarat semalam, Kementerian Perdagangan Dalam Negeri dan Hal Ehwal Pengguna (KPDNHEP) dan MAFI diarah mengemukakan pelan mengatasi isu ayam, peningkatan harga barang dan kos sara hidup.

Perdana Menteri berkata, permohonan permit import (AP) ayam termasuk ayam bulat dan keratan berkuat kuasa minggu lalu, bertujuan meningkatkan peluang pembabitan pengimpor untuk menyediakan lebih banyak sumber bekalan.

"Kerajaan juga akan menambah dan mengiktiraf loji sembelihan di luar negara bagi meningkatkan pengeluaran bekalan ayam."

"Selain itu, proses tuntutan subsidi oleh pengeluar juga akan dipermudahkan. Bagaimanapun, kerajaan dapat hanya RM50 juta subsidi sudah dibayar kepada penternak, yang kebanyakannya adalah syarikat kecil," katanya.

Beliau berkata, kerajaan mendapat beberapa syarikat besar pengeluar ayam pula tidak berminat memohon subsidi disediakan itu, sebaliknya mahukan kerajaan membiarkan har-

ga ayam ditentukan sendiri oleh pasaran.

Kerajaan kesal dan kecewa terhadap tindakan beberapa syarikat menghentikan bekalan ayam sehingga berlakunya peningkatan harga dan kekurangan bekalan di pasaran.

Ismail Sabri Yaakob,  
Perdana Menteri



Bekalan ayam mentah sukar diperoleh menyebabkan rata-rata peniaga menaikkan harga runcit ayam.  
(Foto BERNAMA)

dibatalkan serta merta.

"Kerajaan meminta MAFI dan KPNDHEP melakukan pemantauan dan pemeriksaan serta mengambil tindakan tegas terhadap mana-mana pihak yang melanggar Akta Kawalan Bekalan 1961 (Akta 122) dan Peraturan-Peraturan Kawalan Bekalan 1974."

"Mengikut akta itu, penalti bagi individu adalah denda tidak melebihi RM1 juta atau penjara sehingga tiga tahun atau kedua-dua sekali, manakala perbadanan dan syarikat boleh di-denda sehingga RM2 juta," katanya.

Ismail Sabri berkata, Peguam Negara juga dipanggil menghadiri mesyuarat semalam juga menasihatkan Kabinet menguatkuasakan Akta Kawalan Bekalan 1961 (Akta 122) terhadap sebarang aktiviti menyork, menyimpan atau unsur-unsur sabotaj terhadap bekalan ayam.

Katanya, tindakan boleh diambil mengikut akta berkenaan dan lesen mereka yang terbabit dengan perbuatan itu juga boleh

dihentikan.

"Kerajaan meminta MAFI dan KPNDHEP melakukan pemantauan dan pemeriksaan serta mengambil tindakan tegas terhadap mana-mana pihak yang melanggar Akta Kawalan Bekalan 1961 (Akta 122) dan Peraturan-Peraturan Kawalan Bekalan 1974."

"Mengikut akta itu, penalti bagi individu adalah denda tidak melebihi RM1 juta atau penjara sehingga tiga tahun atau kedua-dua sekali, manakala perbadanan dan syarikat boleh di-denda sehingga RM2 juta," katanya.

Isu kekurangan bekalan ayam meruncung pada hujung minggu lalu apabila ada syarikat pengeluar ayam bertindak tidak mengeluarkan ayam ke pasaran menyebabkan kekurangan bekalan ketika umat Islam masih lagi merayakan Aidilfitri sepanjang Syawal.

*BH* sebelum ini melaporkan, sesetengah peniaga ayam di Pasar Borong Selangor di sini, mengambil inisiatif mencari dan membeli ternakan itu daripada peduhud kampung untuk jualan pada Sabtu lalu, manakala ada juga terpaksa menutup perniagaan disebabkan kekurangan bekalan.

Pengusaha industri mendawa, perternakan ayam seluruh negara menghadapi tumbesaran ternakan akibat cuaca kering kerana lambat mencapai berat matang yang sesuai untuk dipasarkan.

Masalah itu dijadikan alasan beberapa syarikat pengeluar menghentikan operasi pengeluaran, sekali gus bekalan dijangka terjejas sekurang-kurangnya untuk tempoh sebulan lagi.

# Arah tanah TOL diusahakan tanaman jagung

Kuala Lumpur: Kerajaan negeri, agensi kerajaan dan syarikat berkaitan kerajaan (GLC) diarah menyediakan tanah Lesen Kependudukan Sementara (TOL) untuk penanaman jagung sebagai usaha jangka panjang menjadi alternatif kepada makana ayam.

Perdana Menteri, Datuk Seri Ismail Sabri Yaakob, berkata keputusan itu berdasarkan pandangan yang diterima daripada Ahli Jemaah Menteri berkaitan penanaman jagung dan penggunaan hampas isirung kelapa sawit (PKC) untuk menjadi alternatif kepada makana ayam.

"Kementerian Pertanian dan Industri Makanan (MAFI) dan Kementerian Perdagangan Da-

lam Negeri dan Hal Ehwal Pengguna (KPDNHEP) diminta membentangkan pelan terbabit dalam masa terdekat bagi projek penanaman jagung dan sebagainya.

"Kerajaan turut menggalakkan GLC, agensi kerajaan, Pertubuhan Peladang dan Koperasi untuk turut terbabit dalam perternakan ayam," katanya dalam kenyataan, semalam.

Kenyataan itu susulan mesyuarat Kabinet yang diawalkan bagi membolehkan kerajaan membincangkan mengenai kos sara hidup termasuk berkaitan isu bekalan ayam.

Katanya, kerajaan akan mengkaji dari segi bantuan kepada mereka yang terbabit dan ia ada-

lah sebahagian pelan jangka se-derhana dan jangka panjang yang akan dirangka oleh MAFI dan KPDNHEP.

Dalam pada itu, Ismail Sabri berkata susulan daripada pengumuman beliau berkaitan pembatalan permit import (AP) bahan makanan, Kabinet semalam bersetuju untuk turut membantalkan AP gandum.

"Semua kementerian juga diminta menyenaraikan AP bagi barang lain yang boleh dimansuhkan untuk menjaga kepentingan pengguna Keluarga Malaysia.

"Saya ingin menegaskan bahawa kerajaan tidak akan berkompromi dengan mana-mana pihak yang cuba menjelaskan

kehidupan rakyat," katanya.

Sehubungan itu, katanya beliau memohon agar Keluarga Malaysia menyokong tindakan yang dilakukan oleh pihak kerajaan demi menjaga kepentingan rakyat yang terhimpit dengan peningkatan harga dan kos sara hidup serta kekurangan bekalan.

Sementara itu, katanya Suruhanjaya Persaingan Malaysia (MyCC) sedang menjalankan siasatan berhubung laporan wujud kartel yang mengawal harga dan pengeluaran ayam dalam kalangan syarikat besar.

Ismail Sabri berkata, kerajaan sedar mengenai laporan berkenaan dan siasatan yang sedang dijalankan MyCC berkaitan per-

kara itu dijangka selesai pada Jun ini.

"Jika didapati wujud kesepakatan kartel itu, kerajaan akan mengambil tindakan undang-undang terhadap mereka.

"Pada masa yang sama, kerajaan akan mengurangkan peranan orang tengah yang selama ini memanipulasi bekalan dan harga," katanya.

Tambah Ismail Sabri, kerajaan juga akan memperkenalkan semula Jihad Memerangi Orang Tengah yang perkenalkan oleh beliau sendiri pada tahun 2014.

"Pertubuhan Peladang Kebangsaan (NAFAS) diberikan peranan untuk mengetui Jihad Memerangi Orang Tengah ini," katanya.

Eksport 3.6 juta ekor ayam dihenti, dakwaan wujud kartel disiasat

# TIADA KOMPROMI, KERAJAAN BERTINDAK

- Mesyuarat kabinet pada Isnin memutuskan Malaysia akan menghentikan eksport ayam sebanyak 3.6 juta ekor sebulan bermula 1 Jun ini sehingga harga dan pengeluaran ayam kembali stabil.
- Menurut Perdana Menteri, Datuk Seri Ismail Sabri Yaakob, pada masa sama kerajaan akan mewujudkan stok penimbang ayam dan mengoptimumkan fasiliti penyimpanan bilik sejuk sedia ada milik Kementerian Pertanian dan Industri Makanan (MAFI) dan agensinya.
- Suruhanjaya Persaingan Malaysia (MyGC) juga katanya sedang menyalasat laporan wujud kartel yang mengawal harga dan pengeluaran ayam dalam kalangan syarikat besar dan akan mengambil tindakan sebaik sahaja siasatan selesai pada bulan Jun ini.
- Kerajaan juga akan mengurangkan peranan orang tengah yang selama ini memanipulasi bekalan dan harga.

MUKA 2 & 3



# Henti eksport ayam

Langkah serta-merta tangani isu harga dan bekalan ayam

PUTRAJAYA

**M**alaysia menghentikan pengeksportan 3.6 juta ekor ayam sebulan berkuat kuasa 1 Jun ini.

Perdana Menteri, Datuk Seri Ismail Sabri Yaakob berkata, larangan itu dibuat sehingga harga dan pengeluaran ayam di dalam negara kembali stabil.

"Mesyuarat kabinet turut bersetuju untuk mengambil pendekatan mewujudkan stok penimbal ayam dan mengoptimumkan fasiliti penyimpanan bilik sejuk sedia ada milik Kementerian Pertanian dan Industri Makanan (MAFI) dan agensinya," katanya dalam kenyataan pada Isnin.

Menurutnya, pemansuhan permit kelulusan (AP) ayam termasuk ayam bulat dan keratan ayam baru-baru ini adalah bertujuan meningkatkan peluang penglibatan pengimport untuk menyediakan lebih banyak sumber bekalan.

"Sebagai langkah jangka pendek, mesyuarat menetapkan untuk mempermudah proses tuntutan subsidi oleh pengeluar ayam, selain menambah dan mengiktiraf loji sembelihan ayam di luar negara," katanya.

Ismail Sabri berkata, kerajaan kesal terhadap tindakan beberapa syarikat yang menghentikan bekalan ayam sehingga menyebabkan berlaku peningkatan harga dan kekurangan bekalan.

Ujarnya, harga siling ayam standard pada ketika ini adalah RM8.90



Kerajaan menghentikan eksport 3.6 juta ekor ayam sebulan bermula 1 Jun ini bagi menjamin bekalan untuk rakyat negara ini.



sekilogram dengan pemberian subsidi sebanyak RM729.43 juta di bawah Skim Kawalan Harga Keluarga Malaysia (SKHKM) yang dilaksana sejak 5 Februari lalu.

"Bagaimanapun, kerajaan mendapat beberapa syarikat besar yang tidak berminat untuk memohon subsidi dan mahukan harga ayam ditentukan sendiri oleh pasaran," katanya.

Menurutnya, setakat ini, hanya RM50 juta subsidi telah dibayar kepada penternak yang kebanyakannya adalah syarikat kecil.

Mengenai laporan wujud kartel yang mengawal harga dan pengeluaran ayam dalam kalangan syarikat besar, Ismail Sabri berkata, tindakan undang-undang terhadap pihak terbabit akan diambil sekiranya ia benar berlaku.

"Suruhanjaya Persaingan Malaysia (MyCC) sedang menyiasat perkara ini dan siasatan dijangka selesai pada bulan Jun ini. Jika didapati wujud ke-

sepakatan kartel tersebut, kerajaan akan mengambil tindakan undang-undang terhadap mereka," katanya.

Tambah Ismail Sabri, peranan dan penglibatan orang tengah yang selama ini memanipulasi bekalan dan harga juga akan dikurangkan.

"Kerajaan akan memperkenal semula jihad memerangi orang tengah yang telah saya perkenalkan pada tahun 2014 dan Pertubuhan Peladang Kebangsaan (NAFAS) diberikan peranan untuk mengetuiinya," ujarnya.

Menurutnya, syarikat berkaitan kerajaan (GLC), agensi kerajaan, Pertubuhan Peladang dan koperasi di gesa turut terlibat dalam penternakan ayam.

"Kerajaan akan mengkaji bantuan kepada mereka yang terlibat," katanya.

Beliau berkata, langkah tersebut merupakan sebahagian pelan jangka sederhana dan jangka panjang yang akan dirangka MAFI dan Kementerian Perdagangan Dalam Negeri dan Hal Ehwal Pengguna (KPDNHEP).

## Jagung, hampas isirung jadi alternatif makanan ayam

**SHAH ALAM -** Penanaman jagung dan hampas isirung kelapa sawit (PKC) akan menjadi alternatif kepada makanan ayam di negara ini.

Ia selepas mesyuarat kabinet menerima beberapa pandangan daripada ahli jemaah menteri mengenai perkara terbabit.

Perdana Menteri, Datuk Seri Ismail Sabri Yaakob berkata, mesyuarat juga bersetuju meminta kerjasama kerajaan negeri, agensi kerajaan dan syarikat berkaitan kerajaan (GLC) untuk menyediakan tanah lesen kependudukan sementara (TOL) bagi jangka masa panjang.

"Kementerian Pertanian dan Industri Makanan (MAFI) dan Kementerian Perdagangan Dalam Negeri dan Hal Ehwal Pengguna (KPDNHEP) telah diminta membentangkan pelan-pelan tersebut dalam masa terdekat bagi projek penanaman jagung, PKC dan sebagainya," katanya dalam satu kenyataan pada Isnin.

Pengarah Institut Pertanian Tropika dan Sekuriti Makanan (ITAFoS) Universiti Putra Malaysia (UPM), Profesor Datuk Dr Zulkifli Idrus pada Mac lalu mencadangkan agar Malaysia menggunakan PKC yang diproses sebagai makanan ayam untuk menggantikan karbohidrat dalam kacang soya dan jagung.

Zulkifli dilaporkan berkata, UPM sudah memperoleh geran di bawah Kementerian Pengajian Tinggi (KPT) untuk menjalankan beberapa eksperimen bagi mengurangkan kandungan serat dalam PKC supaya sesuai untuk dijadikan makanan ayam.



ISMAIL SABRI

HARI : SELASA  
TARIKH : 24/05/2022  
M/SURAT : 2

## Kabinet setuju AP gandum dibatalkan

**SHAH ALAM** - Kabinet pada Isnin bersetuju agar lesen import (AP) gandum dibatalkan susulan pengumuman kerajaan sebelum ini berkaitan pemansuhan AP bahan makanan.

Perdana Menteri, Datuk Seri Ismail Sabri Yaakob berkata, semua kementerian diminta menyenaraikan AP bagi barang lain yang boleh dimansuhkan untuk menjaga kepentingan pengguna.

"Kerajaan tidak akan berkompromi dengan mana-mana pihak yang cuba menjaskan kehidupan rakyat.

"Sehubungan itu, saya memohon agar

Keluarga Malaysia menyokong tindakan kerajaan ini demi menjaga kepentingan rakyat yang terhimpit dengan peningkatan harga dan kos sara hidup serta kekurangan bekalan," katanya dalam satu kenyataan pada Isnin.

Ismail Sabri minggu lalu meryatakan bahawa kerajaan bersetuju memansuhkan keperluan AP terhadap bahan makanan berkuat kuasa serta-merta.

Katanya, keputusan itu dibuat pada mesyuarat kabinet yang dipengerusikannya bagi memastikan bekalan makanan negara mencukupi.



## Kerajaan henti eksport 3.6 juta ekor ayam

MESYUARAT Kabinet semalam memutuskan beberapa langkah bagi menangani isu bekalan dan harga ayam termasuk menghentikan pengekspor ayam sebanyak 3.6 juta ekor sebulan bermula 1 Jun ini sehingga harga dan pengeluaran ternakan itu kembali stabil.

\* BERITA DI MUKA 4



KERAJAAN menghentikan eksport ayam kerana mengutamakan bekalan untuk rakyat. - GAMBAR HIASAN

Kerajaan utamakan bekalan untuk rakyat

## Henti eksport ayam

Oleh AHMAD SHAHERMAN SHAMSURI

**PETALING JAYA** — Kerajaan mengarahkan supaya menghentikan eksport ayam sebanyak 3.6 juta ekor sebulan bermula 1 Jun ini bagi mengatasi kekurangan bekalan ayam ketika ini.

Perdana Menteri, Datuk Seri Ismail Sabri Yaakob berkata, langkah itu diambil sehingga harga dan pengeluaran ayam kembali stabil dan keutamaan bekalan ini ketika ini hanya untuk rakyat.

Menurut Ismail Sabri, kerajaan juga akan mewujudkan stok penimbang ayam dan mengoptimalkan fasiliti penyimpanan bilik sejuk sedia ada milik Kementerian Pertanian dan Industri Makanan (MAFI) serta agensi di bawahnya.

"Kerajaan turut bersetuju memansuhkan permit import (AP) ayam termasuk ayam bulat dan keratan ayam bertujuan me-



Kerajaan akan memperkenalkan semula Jihad Memerangi Orang Tengah yang telah saya perkenalkan pada tahun 2014."

ningkatkan peluang penglibatan pengimpor untuk menyediakan lebih banyak sumber bekalan.

"Pada masa sama, kerajaan akan mempermudahkan proses tuntutan subsidi oleh pengeluar ayam serta menambah dan mengiktiraf loji sembelihan di luar negara bagi meningkatkan pengeluaran bekalan ayam," katanya dalam satu kenyataan di sini semalam.

Mengulas lanjut, Ismail Sabri berkata, kerajaan sedar terdapat laporan bahawa wujud kartel

yang mengawal harga dan pengeluaran ayam dalam kalangan syarikat besar.

Katanya, Suruhanjaya Persejukan Malaysia (MyCC) sedang menyiasat perkara ini dan siasatan dijangka selesai pada bulan Jun ini.

"Jika didapati wujud kesepakatan kartel tersebut, kerajaan akan mengambil tindakan undang-undang terhadap mereka," ujarnya.

Pada masa yang sama, kerajaan akan mengurangkan peranan orang tengah yang selama ini memanipulasi bekalan dan harga.

"Kerajaan akan memperkenalkan semula Jihad memerangi orang tengah yang telah saya perkenalkan pada tahun 2014.

"Pertubuhan Peladang Kebangsaan (Nafas) diberikan peranan untuk mengetua Jihad Memerangi Orang Tengah ini," katanya.

'SUPPLY SHORTAGE'

# GOVT TO ACT AGAINST CHICKEN CARTELS

Probe into hoarding, sabotage claims by A-G, MyCC as govt outlines measures to check shortage

NURADZIMMAH DAIM  
KUALA LUMPUR  
news@nst.com.my

**T**HE government yesterday took aim at several poultry producers, whom it alleged were responsible for the rising prices and shortage of chicken nationwide.

Prime Minister Datuk Seri Ismail Sabri Yaakob said the actions of these poultry companies, which insisted on letting market forces dictate the price of chicken, were "regrettable and disappointing" and had greatly inconvenienced the people.

He said the government had previously set the ceiling price of standard chicken at RM8.90 per kilogramme. It had also offered a subsidy totalling RM729.43 million under the Keluarga Malaysia Price Control Scheme (SKHKM) implemented on Feb 5.

"However, we found that several major companies had no interest in applying for the subsidy and instead, wanted the government to allow chicken prices to be dictated by the market.

"To date, only RM50 million in subsidies have been paid out to the companies, many of which are small businesses."

The prime minister said in the short-term, the cabinet yesterday had decided on several measures to tackle the issue. They include:

**HALTING** the export of 3.6 million chickens a month beginning June 1 until the prices and production of chicken stabilise;

**CREATING** a database of chicken supply and optimising cold storage facilities owned by the Agriculture and Industry Ministry (Mafi) and other agencies;



Market stalls selling chicken are closed in Pandamaran, Port Klang, yesterday due to the drop in chicken supply. Besides chicken, some seafood stalls are also closed because of poor catch brought on by bad weather. PIC BY FAIZ ANUAR

**ABOLISHING** the approved permit (AP) for chicken, including chicken parts, which could boost importers' involvement to create more supply chains;

**SIMPLIFYING** the subsidy application for poultry producers; and

**INCREASING** and certifying more overseas processing farms to supply chicken to the country.

Ismail Sabri said the government was also aware of reports on the existence of cartels among the industry's key players, which controlled the price and production of chickens.

The Malaysia Competition Commission (MyCC) is investigating the matter and the probe is expected to be finalised by June.

"If any evidence of cartel involvement is found, the government will launch legal action against them."

He said at the same time, the government would reduce the

role of middlemen, which had manipulated supply and prices.

"The government will introduce a 'jihad' against middlemen who try to manipulate chicken prices, which I previously introduced in 2014. The National Farmers Association (Nafas) will be given a role in leading the battle," he said.

Ismail Sabri said the cabinet had also received a number of suggestions from its members on the planting of corn as an alternative source for chicken feed.

The cabinet, he said, also agreed to ask for the cooperation of state governments, government agencies and government-linked companies (GLCs) to allocate Temporary Occupation Licence (TOL) land for the long-term.

MAFI, as well as the Domestic Trade and Consumer Affairs Ministry (KPNDHEP), had

been asked to table these plans.

He said the government was also encouraging GLCs, government agencies, farmers associations and cooperatives to involve themselves in chicken production.

"The government will study the form of aid which can be given. These are among the long- and short-term plans that Mafi and KPNDHEP will formulate."

Ismail Sabri said the attorney-general was also summoned as part of the cabinet meeting yesterday. He had advised the cabinet on the use of the Supply Control Enforcement Act 1961 (Act 122) to curb illegal activities, such as hoarding and sabotage in the chicken industry.

Action, he said, could be taken against culprits under the Act and their licences would be immediately revoked.

The government has asked Mafi and KPNDHEP to conduct

checks and monitoring, as well as take stern action against anyone who breaches the Act. Punishment ranges from a maximum fine of RM1 million or three years jail, or both," he said.

Ismail Sabri said as an addition to his earlier announcement on the abolishment of food APs, the cabinet yesterday also agreed to abolish the AP for wheat.

"All ministries have been asked to list down the APs of other items which can be taken off the list for the benefit of Malaysian consumers."

"I wish to stress that the government will not compromise with any parties which try to negatively affect the people's livelihood."

"I also ask for the people to support the government's action for the sake of those who have been detrimentally affected by the rise in prices and cost of living."

## 121 kompaun dikeluar kepada peniaga ayam

**JOHOR BAHRU** – Kementerian Perdagangan Dalam Negeri dan Hal Ehwal Pengguna (KPDNHEP) Johor mengeluarkan 121 kompaun bernilai RM101,300 sejak 5 Februari lalu akoran penguatkuasaan Penentuan Harga Maksimum Bagi Ayam dan Telur.

Pengarahnya, Mohd. Hairul Anuar Bohro berkata, dalam tempoh itu pihaknya telah memeriksa 4,487 premis melibatkan 4,321 pemeriksaan di peringkat peruncit dan 166 pemeriksaan terhadap pemborong dan pengeluar.

Katanya, pemeriksaan dan tinjauan stok bekalan ayam juga turut dibuat di setiap peringkat rantai pengedaran bagi memastikan tiada isu terputus bekalan ayam.

"Sehingga hari ini (semalam), semua 33 aduan orang ramal yang diterima berkaitan kenakan harga serta bekalan ayam telah selesai disiasat dan diambil tindakan di bawah Akta Kawalan Harga dan Anti Pencatutan 2011.

"Antara kesalahan dilakukan ialah gagal pamer harga jualan

dan menjual melebihi harga kawalan ditetapkan," katanya dalam kenyataan semalam.

Katanya, KPDNHEP Johor ambil maklum isu serta aduan berkaitan kedudukan bekalan serta kenakan harga ayam terutamanya di lokasi tumpuan iaitu di pasar awam dan pasar basah sejak akhir-akhir ini.

"Seramai 200 penguat kuasa sentiasa memantau dan memeriksa agar bekalan barang keperluan harian adalah mencukupi," jelasnya.



MOHD. HAIRUL melakukan tinjauan di sebuah premis di Johor Bahru semalam.

## Dicekup ulang-alik punggah petrol

**KOTA BHARU** – Taktik seorang penyeludup minyak petrol yang mengisi bahan api itu dari satu stesen ke stesen lain terbongkar apabila dia dicekup semasa melakukan kegiatan tersebut di sebuah stesen minyak di Nilam Puri, di sini kelmarin.

Lelaki berusia 40-an itu ditahan anggota penguat kuasa Kementerian Perdagangan Dalam Negeri dan Hal Ehwal Pengguna (KPDNHEP) Kelantan yang menjalankan operasi bermula pukul 9 pagi.

Ketua Pegawai Penguat Kuasa KPDNHEP Kelantan, Aswadi Jaafar berkata, pihaknya menerima maklumat sebelumnya menjalankan risikan dan berjaya mengesan pergerakan sebuah kereta jenis Proton Wira yang mengisi minyak petrol di beberapa stesen minyak secara berulang kali.

Menurutnya, semasa serbuan dijalankan, suspek tersebut sedang mengisi minyak petrol ke dalam tong yang diletakkan di bahagian penumpang depan dan belakang selain but Proton Wira itu.

"Pemeriksaan lanjut di dalam



**ANGGOTA** penguat kuasa KPDNHEP Kelantan (kiri) dan PPM Wilayah Tiga Pengkalan Kubor menunjukkan tong dilisi petrol di sebuah stesen minyak di Nilam Puri, Kota Bharu kelmarin. – IHSAN KPDNHEP KELANTAN

kereta itu telah menjumpai sebanyak 22 tong dan sebanyak 550 liter minyak petrol telah dilisi ke dalam semua tong berkenaan.

"Operasi yang turut disertai oleh Pasukan Polis Marin (PPM) Wilayah Tiga Pengkalan Kubor itu turut menyita kereta Proton Wira yang digunakan untuk aktiviti penyeludupan itu," katanya ketika dihubungi Kosmo! semalam.

Aswadi memberitahu, keselu-

ruhan rampasan petrol itu dianggarkan bernilai RM1,127.50.

Katanya, KPDNHEP akan memastikan kegiatan penyeludupan petrol ke negara jiran dapat dibantersa sekali gus memastikan bekalan untuk kegunaan rakyat tempatan sentiasa mencukupi.

Tambahnya, kes disiasat mengikut Akta Kawalan Bekalan 1961.

HARI : SELASA  
TARIKH : 24/05/2022  
M/SURAT : 16

Senarai Harga Barang Keperluan					
Ayam	RM8.90	Telur Gred A	RM12.45	Gula Pasir	RM2.85
Daging Lembut Tempatan	RM45	Ikan Kembung	RM14.99	Bawang Besar Holland	RM2.50
Daging Lembut Import	RM28	Minyak Masak	RM6.70	Bawang Putih	RM4.99
				Cili Merah	RM11.90
				Kubis Bulat Tempatan	RM4.50
				Tepung Gandum	RM2.30

\*Harga (RM/kg) Sumber: KPDNHEP